

華北卷



地

方

志

人

物

傳

記

資料叢刊

32

北京圖書館編

北京圖書館出版社

【華北卷】

第三十二冊

# 地方志人物傳記資料叢刊

北

京

圖

書

館

北京圖書館出版社



# 第三十二冊目錄

## (光緒)重修廣平府志(二)

列傳一	.....	一
宋至元	.....	一
明	.....	二六
清	.....	七〇
列傳二	.....	一二五
流寓	.....	一二五
列女	.....	一三二
增傳	.....	二六七
藝術	.....	二六七
仙釋	.....	二七〇
雜流	.....	二七五
行錄	.....	二八五
殉難錄	.....	二九〇
補遺	.....	三一四
(民國)廣平縣志		
封廕志	.....	三二三
職官志	.....	三二五
文秩表	.....	三二六
縣公署職員一覽表	.....	三三九

武秩考	.....	三四五
兵秩考	.....	三四七
選舉志	.....	三五〇
制舉	.....	三五〇
薦辟	.....	三五一
功例出身	.....	三五三
進士	.....	三五五
舉人	.....	三五六
五貢	.....	三五九
畢業生姓名表	.....	三七〇
明清取士例則	.....	三七二
明清兩代武舉條例	.....	三八二
藝文志	.....	四〇五
人物志上	.....	四一三
宦績	.....	四一三
鄉賢	.....	四一五
人物志下	.....	四二二
三國	.....	四二四
北魏	.....	四二五
北齊	.....	四二五
隋唐	.....	四三六
宋	.....	四三八
金元	.....	四三九
烈女	.....	四四一

(咸豐)大名府志

職官志	.....	四五七
選舉志	.....	五五二
名宦	.....	六〇九
人物志	.....	六八五
列傳	.....	七一
仕蹟	.....	七一二

---

流寓	.....	七五二
列女	.....	七五三
方外	.....	七七四
外傳	.....	七七六
藝文志	.....	七八二
傳	.....	八一
墓志銘	.....	八一六



列傳三 宋至元

宋

范質字文素宗城人生之夕母夢神人授以五色筆九歲能屬文十三治尚書教授生徒後唐長興四年舉進士為忠武軍節度推官遷封邛令晉天福中宰相桑維翰深器之奏為監察御史維翰出鎮相州歷秦甯晉昌二節度皆請質為從事維翰再相質遷主客員外郎直史館歲餘召入為翰林學士契丹侵邊少帝命漢祖等十五將出征是夜質入直少帝召諸學士分草制質

重修廣平府志 卷四十八 列傳三 宋至元

一

具草以進解理優贍當時稱之漢初加中書舍人戶部侍郎周祖征叛每朝廷遣使齎詔處分軍事皆合機宜周祖問誰為此辭使者以質對歎曰宰相器也物色得之喜甚時大雪解袍衣之且令草太后誥及議迎湘陰公儀注質蒼黃論撰稱旨迺白太后以質為兵部侍郎樞密副使從征高平還加司徒宏文館大學士世宗初征淮南駐壽濠銳意攻取且議行幸揚州質以師老與王溥泣諫乃止及再駕揚州因事怒質儀儀罪在不測質入謁請見世宗起避之質趨前曰儀近臣也過小不當誅因免冠叩頭泣下世宗意遂解即遣赦儀顯德六年

世宗北征質病留京師賜錢百萬俾市醫藥及平關南

師還命質與王溥並參知樞密院事世宗不豫入受顧

命恭帝嗣位加開府儀同三司封蕭國公宋初加兼侍

中罷參知樞密奏薦呂餘慶趙普精通治道公忠堪倚

乞授台司俾申才用帝嘉納之乾德初與張昭劉溫叟

定南郊行禮圖帝尤嘉獎禮畢進封魯國公質奉表固

辭不允二年正月罷為太子太傅九月卒年五十四將

終戒其子旻勿請諡勿刻墓碑太祖聞之為悲惋罷朝

贈中書令質性卞急好面折人以廉介自持未嘗受四

方饋遺前後所得祿賜多給孤遺閭門之中食不異品

重修廣平府志 卷四十八 列傳三 宋至元

二

身沒家無餘貲太祖因論輔相謂侍臣曰朕聞范質止

有居第不事生產實宰相也太宗亦嘗稱之曰宰相中

能循規矩慎名器持廉節無出質右者但欠世宗一死

為可惜爾從子校書郎杲求奏遷秩質作詩曉之時人

傳誦以為勸戒

宋史列傳

范旻字貴參質子十歲能屬文以父任右千牛備身太

守司議郎累遷著作佐郎宋初為度支員外郎判大理

正事俄知開封縣太宗時領京尹數召與語頗器重之

嶺南平遷知邕州兼水陸轉運使俗好淫祀輕醫藥重

鬼神旻下令禁之且割己奉市藥以給病者愈者千計

復以方書刻石置廳壁民感化之會南漢知廣州官鄧存忠劫土人二萬眾攻州城七十餘日旻屢出親戰矢集於胸猶激勵將卒殊死戰賊遂少卻病創日篤堅壁固守遣使十五輩求援廣州救兵至圍解賜璽書獎之病甚詔令有司以肩輿載歸闕下疾愈通判鎮州有能登賜錢二百萬遷庫部員外郎開寶九年知淮南轉運事太祖謂曰朕今委卿以方面之重凡除民隱急軍須之務悉以便宜從事無庸一一申覆也歲運米百餘萬石給京師當時稱有心計太平興國初召爲水部郎中錢俶獻地以旻爲考功郎中權知兩浙諸州軍事上言重修廣平府志

卷四八 列傳三 宋至元

三

俶在國日裕賦繁苛欲盡釋不取以蠲其弊從之車駕征晉陽上書求從召爲右諫議大夫三司副使判行在三司又兼吏部選事師還加給事中坐事貶房州司戶量移唐州六年卒年四十六子貽孫上言詔復舊官貽孫官至主客員外郎

宋史列傳

李炳洺州肥鄉人從邢帥薛懷讓辟爲觀察支使懷讓徙同州又爲掌書記歷邠州鳳翔判官拜殿中侍御史知舒州太祖征金陵緣淮供億惟舒尤甚以勞加侍御史

宋史李史卒

李沆字太初炳子少好學器度宏遠炳嘗語人曰此兒

異日必至公輔太平興國五年舉進士甲科爲將作監丞遷石贊善大夫轉著作郎相府召試約束邊將詔書既奏御太宗甚悅命直史館雍熙三年召試除右補闕知制誥以沆素貧別賜錢三十萬四年遷職方員外郎召入翰林爲學士道化二年判吏部銓嘗侍曲宴太宗目送之曰李沆風度端凝眞貴人也三年拜給事中參知政事丁艱起復知河南府眞宗升儲遷禮部侍郎兼太子賓客詔東宮侍以師傅禮眞宗卽位遷戶部侍郎參知政事咸平初以本官平章事監脩國史會契丹犯邊眞宗北幸命沆留守京師肅然眞宗還慰勞久之累

重修廣平府志

卷四八

列傳三 宋至元

四

加門下侍郎尚書右僕射眞宗問治道所宜先沆曰不用浮薄新進喜事之人此最爲先問其人曰如梅詢曾致堯等是矣帝嘗語及唐人樹黨難制遂使王室微弱蓋姦邪難辨爾沆對曰佞言似忠姦言似信至如盧杞蒙蔽德宗李勉以爲眞姦邪是也一夕遣使持手詔欲以劉氏爲貴妃沆對使者引燭焚詔附奏曰但道臣沆以爲不可其議遂寢駙馬都尉石保吉求爲使相復問沆沆曰保吉無攻戰之勞恐騰物議遂止帝嘗謂沆曰人皆有密啟卿獨無何也對曰臣待罪宰相公事則公言之何用密啟夫人臣有密啟者非讒卽佞臣嘗惡之

豈可效尤時李繼遷久叛判承興軍何亮上書言棄靈州有三患帝訪於沈沈曰繼遷不死靈州非朝廷有也莫若遣使密召州將使部分軍民空壘而歸如此則關右之民息肩矣帝不從未幾靈州陷帝由是益重之沈爲相王旦參政事以西北用兵或至盱食沈曰少有憂勤足爲警戒他日四方甯謐朝廷未必無事後契丹和親旦問何如沈曰善則善矣然邊患既息恐人主漸生侈心耳旦未以爲然沈沒後真宗遂封岱祠汾大嘗官觀蒐講墜典靡有暇日且乃以沈先識之遠嘆曰李文靖眞聖人也當時遂謂之聖相寇準與丁謂善屢以謂重修廣平府志

卷四十八 列傳三 宋至元

五

才薦於沈不用準後爲謂所傾始伏沈言沈嘗言居重位實無補惟中外所陳利害一切報罷之此少以報國爾沈爲相嘗讀論語或問之沈曰聖人之言終身誦之可也景德元年七月沈待漏將朝疾作而歸明日駕往臨問賜白金五千兩方還宮而沈薨年五十八上聞之驚歎趣駕再往臨哭之慟廢朝五日贈太尉中書令諡文靖乾興元年仁宗卽位詔配享真宗廟庭宋史兼採左簡錄李維沈弟字仲方第進士爲保信軍節度推官真宗初獻聖德詩召試中書擢直集賢院以沈相避知欽州至郡興學舍歲時行鄉射之禮沈沒入爲戶部員外郎契

重修廣平府志

卷四十八 列傳三 宋至元

六

丹請和以爲賀正旦使真宗方幸西京維還詣行在具言其待遇禮厚必保盟好擢兵部員外郎知制誥自是每北使至多命維主之擢爲翰林學士承旨加史館脩撰仁宗初再遷爲尙書左丞兼侍讀學士預修眞宗實錄遷工部尙書會塞下傳契丹將絕盟復遣維往使其主隆緒重維名館勞加禮使賦兩朝悠久詩詩成大喜旣還帝欲用爲樞密副使或斥維賦詩自稱小臣乃寢遷刑部尙書辭不拜引李士衡故事求換官除柳州觀察使爲諫官劉隨所詆知亳州請赴本鎮改河陽久之還朝復出知陳州卒維博學少以文章知名至老手不廢書景德以後巡幸四方典章名物多爲所參定性寬易喜愠不見於色獎借後進嗜酒善譌而好爲詩嘗曰人生鶻詠自適餘何營哉旣沒家無餘貲景祐元年贈尙書右僕射子師錫虞部員外郎公謹太子中舍宋史列傳張美字元珪貝州清河人少善書計初爲左藏小吏以彊幹閭特補本庫專知出爲澶州糧料使周世宗鎮澶淵每有求取美必曲爲供給周祖聞之怒徙爲濮州馬步軍都虞候世宗卽位召爲樞密承旨時宰相景範判三司被疾乃命美爲右領軍衛大將軍權判三司世宗征淮南留美爲大內部署一日方假寐忽覺心動遽驚

起周視官城少頃內醞署火起卽撲滅之俄真授三司使四年世宗再幸淮上皆爲大內都點檢北征又爲大內都部署師還爲左監門衛上將軍充宣徽北院使判三司美彊力有心計世宗連歲征討糧饋不乏深委賴焉然以澶淵事頗薄之恭帝嗣位加檢校太傅宋初加太尉初李筠鎮上黨募亡命多爲不法美度筠必叛積粟淮孟間後筠叛太祖親征大軍十萬出太行經費無闕美有力焉拜定國軍節度縣官市木關中同州歲出緡錢數十萬以假民長吏十取其一謂之率分錢歲至數百萬美獨不取未幾他郡有詣闕訴長吏受率分錢者皆命償之乾德五年移鎮滄州太平興國初來朝改左驍衛上將軍美獻都城西河曲灣果園二蔬圃六亭舍六十餘區八年請老以本官致仕雍熙二年卒年六十八涪化初諡恭惠子守瑛至供備庫使孫士宗至內殿承制士宗卒士禹爲崇班士安至閣門祇候士宣爲禮殿副使

宋史列傳

重修廣平府志 卷四十八 列傳三 宋至元 七

廣順初劉崇與契丹侵晉州暉從都部署樞密使王峻等往援率敢死士三千餘夜襲契丹殺獲甚衆遷本軍第五指揮使從世宗征淮南率所部下黃州掄刺史高弼遷虎捷第一軍都虞侯宋初步軍都軍頭從征澤州力戰目中流矢師還策勳爲內外馬步軍副都軍頭建隆四年充湖廣道行營前軍戰權都指揮使潭州平隆璽書獎諭僞統軍黃從志據岳州暉率舟師討平之改控鶴右第二軍都指揮使領高州刺史乾德六年詔領所部軍屯上黨從李繼勳略太原開寶九年破太原軍於境上斬首千餘級獲馬三十四匹改均州刺史太平興國二年詔於潞州北築城名威勝軍以暉爲軍使從征并州與尙食使石彥贇率所部下隆州殺并州人三百餘擒招討使李詢等六人以獻於行在所賜予有加復令與彥贇督戰士隸城西行營分攻太原劉繼元降太宗以太原宮女三人賜暉俄以功遷本州團練使知霸州雍熙初充雲應寰朔忻代等州都巡檢使三年代歸本郡涪化二年被病上章告老改右千牛衛上將軍致仕詔未至而卒年八十暉鷺猛木強每受詔征伐常身先之人所憚者暉視之若甚易由是頗立戰功金創遍體時稱驍將子守頤至內殿崇班閣門祇候

宋史列傳

重修廣平府志 卷四十八 列傳三 宋至元 八



王明字如晦成安人晉天福中舉進士不第驍騎將蔡元福爲原州刺史辟爲從事馮暉節制靈武表爲觀察巡官周廣順初元福領陳州防禦使奏署判官會劉崇寇晉州命元福將兵援之事多咨於明先是州縣吏送丁壯糧餉一夕夫盡遁去元福怒明入白元福曰今軍儲無闕丁夫數萬人文吏懦不能制斬之何益不如寬以待之賊敗凱旋公無專殺之名不亦善乎元福感悟盡免其死既而崇眾宵遁卽命元福爲建雄軍節度留鎮因奏署明爲書記賜緋魚顯德初元福移鎮陝恃功多驕恣明以直道規之左右多毀明於元福明以父病重修廣平府志

卷四八 列傳三 宋至元 九

求歸省元福數召明明謝絕之詣闕上書求任州縣歷清平鄆城二縣令宋初荆南高繼沖授彭門節鉞以明爲武甯軍節度掌書記乾德初召公卿近臣各舉清白有吏幹者一人給事中馬士元薦明召爲左拾遺開寶三年大舉南征以明爲隨軍轉運使供億不闕既而賀州未下明入與主帥計曰當急取之恐援兵至則我師勝負未可知諸將猶豫明乃振甲胄率所部直抵城門城中懼遂開門納款因抵廣州賊眾十餘萬拒戰明與都部署潘美等謀命丁夫數千人人持二炬間道先搗賊壘大軍募食陣以待之俄而萬炬皆發焚其柵賊驚

果來犯大軍因迎擊之賊大敗廣州平爲本道轉運使太祖嘉其功擢授秘書少監領韶州刺史充轉運使俄以明爲嶺南轉運副使明徧歷部內視民疾苦凡無名科斂悉條奏除之嶺表遂安七年代歸帝召見勞問賜襲衣金帶鞍馬是歲將用師南唐以明爲黃州刺史帝密授成算明既視事卽完葺城壘訓練士卒眾莫解其意俄而王師自荆渚乘戰艦而下卽以明爲池州至岳州江路巡檢戰權都部署屢有斬獲時南唐將朱令贇自上江領眾十五萬連大艦沿流而下將焚采石浮梁抵金陵爲援明率所部舟師屯獨樹口移檄諸軍相爲

重修廣平府志 卷四八 列傳三 宋至元 十

犄角因督兵襲之至小孤山與諸軍合勢大破之擒令贇金陵平詔明安撫諸郡因命知洪州太宗卽位兼領江南諸路轉運使詔爲右諫議大夫充三司副使太平興國七年與侯陟同判三司事八年改左諫議大夫爲鹽鐵使遷給事中雍熙四年改光州刺史出知并州端拱元年改禮部侍郎會契丹擾邊詔以明知正定府契丹遁去淳化初詔歸闕知京朝官差遣事二年卒年七十三子挺扶並進士及第歷臺省累爲轉運使皆知景德中錄幼子揆爲光祿寺主簿大中祥符八年又錄其孫師顏爲三班借職揆至殿中丞

宋史 列傳

元達初名守旻涪州雞澤人身長八尺餘負膂力善射家業農不任作苦委耒耜慨歎而去之事任俠縱酒嘗醉見道旁槐樹拔劍斬之樹立斷達私喜曰吾聞李將軍射石虎飲羽今樹爲我斷豈神助歟嘗從少年數十百人欲起爲盜里中老父交戒之乃止時郡以戶籍調役達當送徒闕下行數舍乃悉縱之曰吾觀汝曹亦丈夫也豈樂爲是哉可善自爲計吾亦從此逝矣已而郡遣追捕至則達援弓引滿待之追者不敢近由是亡命山林間爲鄉里患太宗居晉邸時達求見得隸帳下嘗侍太宗習射圍亭命之射達射四發不中的已而連中

重修廣平府志

卷四八

列傳三

宋至元

十一

上喜爲更其名曰達及即位補御龍直隊長雍熙初累遷媯州刺史繼領本州團練使時州郡部送亡命者至闕左右諷殺之達奏曰此類竄匿者衆豈能盡殺之哉不如赦之以開其自新之路且以成好生之德上悅因悉原之端拱二年擢侍衛步軍都虞侯領幽州刺史歷北面行營都部署由常山鎮入爲京城巡檢淳化四年卒年四十二贈昭化軍節度達雖奮白草野歷職戎署至交士大夫能折節盡禮人以是稱之

宋史列傳

趙瑫貝州清河人由衛士累遷龍衛指揮使亦以徐河戰功加鎮州團練使至兵馬部署至道二年卒於官年

七十贈歸義軍節度使

宋史列傳

郭密貝州經城人軀幹雄偉膂力絕人幼孤隨母適同郡王乙因冒姓王氏以知瀛州馬仁瑀薦隸晉王帳下給事左右太宗卽位補指揮使復姓郭氏至淳化間凡八遷移貝州駐泊兵馬部署會夏人寇邊以密有武略擢領安州觀察使充靈州兵馬都部署訓練士卒號令嚴肅夏人畏服邊境賴以甯謐至道二年卒年五十八贈保順軍節度

宋史列傳

李仲芳字秀之清河人淳化三年進士乙科授真定籓

聽獄明晰歷遷冀州軍事判官當內召值契丹侵邊留

重修廣平府志

卷四八

列傳三

宋至元

十二

督軍餉轉大理丞乘傳治壁州疑獄復判冀州督餉遇歲饑出庾粟貸民活數十萬家拜殿中丞判邢州薦爲御史不拜知光化軍作石隄以防漢水改知漢陽軍獄空者二歲官至尙書屯田員外郎退居漢旁卒遂葬焉

舊唐志

田祚貝州人十世同居

畿輔通志

淳化二年賜詔旌表

李玘大名宗城人性篤孝力耕以事母母卒讓田與其

弟堅遂廬於葬所晝夜號泣負土築墳高丈餘又以二代及諸族父母葉葬者盡禮築之凡三年成六墳皆丈餘不食肉衣帛不預人事皇皇然唯恐築之不及墳成

復留守墳三年常令兄之子賣藥以自給年六十餘足未嘗入縣門鄉人目爲李孝子天禧中知府張知白以狀聞詔賜粟帛令府縣安存之里中有母在而析產者聞訃被旌兄弟慚懼復相率同居

宋史孝義傳

張君平字士衡磁州滏陽人以父承訓與契丹戰死補三班差使殿侍黔州指揮使獠兵屢入寇君平引兵擊破之以功遷奉職除駐泊監押徙容白等州巡檢又以捕賊功遷右班殿直謝德權薦君平河陰窄務擢閣門祇候管勾汴口建言歲開汴口當擇其地得其地則水湍駛而無留沙歲可省功百餘萬又請沿河縣植榆柳

重修廣平府志

卷四九

列傳三 宋至元

七

爲令佐使臣課最及瘞汴河流屍悉從其言天聖初議塞滑州決河以君平習知河事命以左侍禁簽書滑州事兼修河都監既而河未塞詔同提點開封府界縣鎮公事以嘗護滑州隄有功特遷內殿崇班君平以京師數罹水災請委官疏鑿近畿諸州古溝洫久之稍完遂詔畿內及近畿州縣長吏皆兼管勾溝洫河道自畿至泗州道路多羣寇君平謂兩驛增置使臣專主捕盜而罷夾河巡檢於是行者無患復爲滑州修河都監遷供備庫副使河平改西作坊使就遷鈐轄卒君平有吏材尤明於水利自議塞河朝廷每訪以利害河平君平且

死論者惜之錄三子官子鞏皇祐中以尙書虞部員外郎爲河陰發運判官管勾汴口嗣其父職云

宋史列傳

孟元字善長洺州人性謹愿少過頗喜讀書少隸禁軍以挽疆選補殿侍累遷散都頭班指揮使擢如京使并代州兵馬都監改鈐轄徙高陽關路又徙眞定路王則據貝州反元赴城下攻戰被數十創又中機石墜濠中既出戰愈力更募死士由永濟渠穴地以進賊平改右驛驥使徙大名府路鈐轄河朔饑權知滄州民鬻鹽爲生歲荒鹽多不售民無以自給元度軍食有餘悉用易鹽民不轉徙御史中丞郭勸言其貝州功而賞未當乃

重修廣平府志

卷四九

列傳三 宋至元

七

擢普州刺史遷官苑使專管勾麟府軍馬事護築永甯堡敵不敢動爲龍神衛四廂都指揮使忠州團練使高陽關馬步軍總管遷天武捧日四廂都指揮使又遷步軍都虞侯眉州防禦使并代路副都總管判北京賈昌朝奏爲大名府路副都總管徙定州路遷馬軍都虞侯徙鄜延路行至鄭州卒贈遂州觀察使

宋史列傳

蘇宋字公佐磁州滏陽人擢第調兗州觀察推官受知於守杜衍爲大理詳斷官民有母改嫁而死既葬輒盜其柩歸耐法當死宋曰子取母耐父豈與發冢取財等請而生之遷審刑院詳議御史臺推直官知單州提點

梓州益州路刑獄路轉運使文州歲市羌馬羌轉買蜀貨猾駟上下物價肆為姦漁衆議置折博務平貨直以易馬宿弊頓絕入判大理寺為湖北淮南成都路轉運使擢侍御史知雜事判刑部使契丹還聞英宗晏駕契丹置晏仍用樂案謂送者曰兩朝兄弟國家君臣之義吾與君等一也此而可忍孰不可忍遂為之徹樂進度支副使以集賢殿脩撰知鳳翔還糾察在京刑獄又出知潭州廣州累轉給事中知河南府無留訟入知審刑院卒宋長於刑名故屢為法官數以獻議受詔獎焉

宋史列傳

重修廣平府志

卷四八 列傳三 宋至元

五

王臨字大觀成安人廣淵弟進士簽書雄州判官嘉祐初契丹使至朝論疑所應臨言取與之義不可不謹彼嘗求馴象可拒而不拒求樂章可與而不與今橫使求聖像果可與哉朝廷善其議治平中詔求武略用近臣薦知順安軍改河北沿邊安撫使上備禦數十策契丹刺口兩輸人為義軍來歸者數萬或請遣還臨曰彼歸而我遣之必為亂不如因而撫之詔從其言來者益眾契丹悔失計尋召對還文階終寶文閣待制知廣州府卒

宋史列傳

李若水字清卿洺州曲周人原名若水上舍登第調元

城尉平陽府司錄試學官第一濟南教授除太學博士蔡京晚復相子條用事李邦彥不平欲謝病去若水為言大臣以道事君不可則止胡不取決上前使去就之義暴於天下顧可默默託疾而退使天下有伴食之譏耶又言積蠹已久致理為難建裁損而邦用未豐省科徭而民力猶困權貴抑而益橫仕流濫而莫澄正宜置驛求賢解榻待士采其寸長遠見以興治功凡十數端皆深中時病邦彥不悅靖康元年為太學博士開府儀同三司高俅死故事天子當挂服舉哀若水言俅以幸臣躡躋顯位敗壞軍政金人長驅其罪當與童貫等得全首領以沒尙當追削官秩示與眾棄而有司尋常習故欲加縵禮非所以靖公議也章再上乃止欽宗將遣使至金國議以賦入贖三鎮詔舉可使者若水在選中召對賜今名遷著作佐郎為使見粘罕於雲中纔歸兵已南下復假徽猷閣學士副馮澥以往甫次中牟守澥兵相驚以金兵至左右謀取間道去澥問何如若水曰戍卒畏敵而潰奈何效之今正有死耳令敢言退者斬眾乃定既行疊具奏言和議必不可諧宜申飭守備至懷州遇館伴蕭慶挾與具還及都門拘之於沖虛觀獨令慶澥入既所議多不從粘罕急攻城若水入見帝道

重修廣平府志

卷四八 列傳三 宋至元

六



其語帝明日幸金營過信而歸擢若水禮部尚書固辭  
改吏部侍郎三年金人再邀帝出郊帝殊有難色若水  
以爲無他慮扈從以行金人計中變逼帝易服若水抱  
持而哭詆金人爲狗輩金人曳出擊之敗面氣結仆地  
眾皆散留鐵騎數十守視粘罕令曰必使李侍郎無恙  
若水絕不食或勉之曰今日順從明日富貴矣若水歎  
曰天無二日若水甯有二主哉後旬日粘罕召計事且  
問不肯立異姓狀若水曰上皇爲生靈計罪已內禪主  
上仁孝慈儉未有過行豈宜輕議廢立粘罕指宋朝失  
信若水曰若以失信爲過公其尤也歷數其五事曰汝  
重修廣平府志 卷四八 列傳三 宋至元 七

爲封豕長蛇眞一劇賊滅亡無日矣粘罕令擁之去反  
顧罵益甚至郊壇下謂其僕謝靈曰我爲國死職耳奈  
併累若屬何又罵不絕口監軍者搥破其脣噴血罵愈  
切至以刃裂頸斷舌而死年三十五高宗卽位特贈觀  
文殿學士諡曰忠愍死後有自北方逃歸者云金人相  
與言遼國之亡死義者十數南朝惟李侍郎一人 宋史列傳  
李升永年人大觀時進士 畿輔通志 爲吏以廉名靖康中  
金人破汴以刃迫其父升前捍之以背受刃與父俱死  
長子亦被害 宋史李帝傳  
孟忠厚字仁仲涪州人 案忠厚爲一元之曾孫舊通志作元之孫誤 隆祐太后

兄追封咸甯郡王彥弼子也后退居瑤華宮哲宗恩眷  
不衰故忠厚得以仕進宣和中官至將作少監靖康元  
年知海州召權衛尉卿金人圍城后宮火出居忠厚家  
由是免北遷金兵退張邦昌迎旨聽政后遣忠厚持書  
遺康王王卽位授徽猷閣待制帝幸揚州除顯謨閣直  
學士臺諫交章論列帝以太后故難之太后聞命易武  
秩遂授常德軍承宣使幹辦皇城司未幾奉太后幸杭  
州苗傅亂平用趙鼎奏擢甯遠軍節度使尋奉太后幸  
南昌歸至越以母憂解職紹興九年判鎮江府改判明  
州兼安撫使復改判婺州三梓宮歸充迎護使及營佑  
重修廣平府志 卷四八 列傳三 宋至元 八

陵秦檜當爲總護使憚往乃除忠厚樞密使以代其行  
檜與忠厚僚壻也然心實忌之山陵事畢忠厚欲歸樞  
密府檜諷言路論之遂判福州時州患海寇帝恐忠厚  
非帥才改判建康又改判紹興會郊赦加恩忠厚上表  
謝中丞詹大方希檜意論忠厚表辭輕侮罷爲醴泉觀  
使檜死召還行在授保甯軍節度使判平江府復改判  
紹興過闕入見詔充萬壽觀使提舉秘書省二十七年  
卒贈太保忠厚奉昭聖太后訓避遠權勢不敢以私干  
太后之垂簾也忠厚乞裁節本家恩澤有夤緣者令三  
省執奏御史疏劾及檜當國其親每援以進忠厚獨與

之忤帝以太后故始終眷之卒後三子皆除直祕閣親屬六人各進一官宋史列傳

孟彥卿洛州人忠厚從父彥卿頗知兵為潭州通判建炎三年潭卒叛而東行帥臣向子諲命率兵追之遂招撫以歸未幾潰兵杜彥自袁州入瀏陽遂犯善化長沙二縣彥卿率民兵拒之手殺數人賊敗退屯瀏陽而所部忽自潰賊遂乘之彥卿被支解且持其首號於眾曰此善戰孟通判也事聞贈直龍圖閣官其家三人朱熹帥湖南為立廟宏簡錄

李椿字壽翁永年人父升死靖康之難椿年尚幼葉殯重修廣平府志卷四十八 列傳三 宋至元 五

佛寺深窳而詳識之奉繼母南走艱苦備嘗極力以養以父澤補迪功郎歷官至甯國軍節度推官治豪民僞券還陳氏田吏才精強人稱之隨張浚奔走淮甸綏流民布屯戍察廬壽軍情相視山水砦險要周密精審隆興元年春諸將有以北討之議上聞者事下督府既而師出無功椿知事不可為勸浚去明年春浚出視師椿曰小人之黨已勝公無故去朝廷蹤迹必危復申前說甚苦浚心是之而不忍決去未幾果罷監登聞鼓院請通判廉州以歸上召對改知鄂州適歲祲官強民振糶且下其價米不至益艱食椿損所強糶數而不過其直

重修廣平府志卷四十八 列傳三 宋至元 三

未幾米舟漚集價減十三每行部必前期戒吏具州縣所當問事列為籍單軍以行所至取吏卒備使令凡以例致饋一不受言事者請下諸道為式召為吏部郎官論廣西鹽法孝宗是其說遂改法焉除樞密院檢詳小吏持南丹州莫曾表求自宜州市馬者因簽書張說以聞椿謂邕遠宜近故遷之豈無意今莫氏方橫奈何道之以中國地里之近小吏妄作將啟邊釁請論如法說怒椿因求去上慰諭令安職遷左司復請外除直龍圖閣湖南運副兼請十三事同日報可大者減桂陽軍月椿錢萬二千緡損民稅折銀之直民刻石紀之除司農卿椿會大農力請歲儲二百萬斛為一年之蓄擇臨安守椿在議中執政或謂其於人無委曲上曰正欲得如此人遂兼臨安府視事三月竟以權倖不便解去椿在朝遇事輒言執政故不悅出知婺州會詔市牛筋凡五千斤椿奏一牛之筋纔四兩是欲屠二萬牛也上悟為收前詔除吏部侍郎又極言闕寺之盛曰漢唐勿論靖康明受之禍未遠嚴禁士大夫兵將官與之交通上聞靖康明受語感額久之曰幼亦聞此因納疏袖中以入最後極言當預邊備如欲保淮則楚州盱眙昭信濠梁渦口花壓正陽光州皆不可以不守如欲保江則高郵

六合瓦梁滿須巢湖北峽亦要地也以病請祠不許除  
集英殿修撰知甯國府改太平州賜尙方珍劑以遣既  
至力圖上流之備年六十九上章請老以敷文閣待制  
致仕越再歲上念湖南兵役之餘欲鎮安之謂椿重厚  
可倚命待制顯謨閣知潭州湖南安撫使累辭不獲乃  
勉起至則撫摩凋瘵氣象一如盛時未滿歲復告歸進  
敷文閣直學士致仕朝拜命夕登舟歸老野塘上椿年  
十五歲避地南來貧無以爲養不得專力於學年三十  
始學易其言於朝廷措諸行事皆易之用疑然有守存  
心每主於厚尤惡佛老邪說淳熙十年卒年七十三朱

重修廣平府志

卷四八 列傳三 宋至元

三

熹嘗銘其墓

宋史列傳

案舊志載有邯鄲人李淑攷宋史淑係徐州豐人李  
若谷之子今刪

金

董師中字紹祖洺州人少敏贍好學強記擢皇統九年  
進士第調澤州軍事判官改平遙丞捕殺劇賊王一素  
一境遂安時大軍後野多枯齒驛舍有遺櫬悉爲葬之  
遷綿上令補尙書省令史石相唐括訛魯古尤器重之  
再考擢監察御史遷尙書省都事初師中爲監察時滌  
察大名總管忽刺不公事及忽刺以罪誅削官一階降

重修廣平府志

卷四八 列傳三 宋至元

三

授沁南軍節度副使累遷坊州刺史明昌元年選爲陝  
西路副使坐修公廨濫支官錢罪以贖論及御史臺言  
其寬和有體召爲大理卿御史中丞吳鼎樞舉以自代  
尙書省亦奏其才行遂擢中丞時西北路招討使宗肅  
以平章夾谷清臣薦知大興府事師中上言宗肅近以  
贓罪鞫於有司獄未竟不宜改除上納其言四年上將  
幸景明官師中及侍御史賈鉉治書侍御史粘制遵古  
諫上不納師中等又上疏左補闕許安仁右拾遺路鐸  
亦皆上書論諫是日上御後閣召師中等賜對卽從其  
奏遣罷北幸尋爲宋生日國信使還以所得金帛遺親  
舊五年上復如景明官師中及臺諫官各上疏極諫戶  
部尙書馬琪表舉自代擢吏部尙書初完顏守貞改爲  
西京留守朝京師上欲復用監察御史蒲刺都等糾彈  
數事師中辨其誣而舉守貞正人可用守貞由是復拜  
平章政事及守貞以罪斥出之以正失舉罪除陝西西  
路轉運使歲餘徵爲御史大夫命與禮部尙書張暉看  
讀陳言文字踰三月拜參知政事進尙書左丞他日奏  
事上語輔臣曰御史姬端修言小人在側果誰欺師中  
曰應謂李喜兒輩上默然師中通古今善敷奏練達典  
憲處事精敏嘗言宰相不當事細務要在知人才振綱

紀但一心正兩目明足矣承安四年表乞致仕詔賜宅一區留居京師以寒食乞還家上冢許之且命賦寒食還家上冢詩每節辰朝會召入侍宴其眷禮如此泰和二年薨年七十四上聞之悼惜諡曰文定師中工文性通達疏財尙義平居則樂易其率其臨事則剛決挺然不可奪弟師儉初業進士欲籍其資廩師中保任之密令人代給堂帖使之肄業師儉感其義方力學後遂登第方在政府近侍傳詔將錄用其子師中奏曰臣有姪孤幼若蒙恩錄勝於臣子上義之以其姪爲筆硯承奉

金史列傳

重修廣平府志

卷四十八

列傳三 宋至元

三

趙秉文字周臣磁州滏陽人幼穎悟讀書若夙習登大定二十五年進士第調安塞簿以課最遷邯鄲令再遷唐山丁父憂用薦者起復南京路轉運司都勾判官明昌六年入爲應奉翰林文字同知制誥上書論宰相胥持國當罷宗室守貞可大用章宗召問言頗差異有司論秉文上書狂妄法當追解上不欲以言罪人遂特免焉坐是久廢後起爲同知尙嵐軍州事轉北京路轉運司度支判官承安五年冬上顧謂張萬公曰趙秉文曩以言事降授聞其人有才藻工書翰又且敢言朕非棄不用以北邊軍事方興姑試之耳泰和二年召爲戶部

主事遷翰林修撰十月出爲甯邊州刺史三年改平定州前政苛於用刑而盜愈繁秉文爲政一從寬簡旬月盜悉屏迹歲饑出祿粟倡豪民以賑全活者甚眾大安初北兵南嚮召秉文與待制趙資道論備邊策衛王不能用其秋宣德果以敗聞尋爲兵部郎中兼翰林修撰俄轉翰林直學士貞祐初建言時事可行者三一遷都二導河三封建朝廷略施行之明年上書願爲國家守殘破一州以宣布朝廷恤民之意且曰陛下勿謂書生不知兵顏真卿張巡許遠輩以身許國亦書生也上以翰苑允難其人不許四年拜翰林侍講學士言實券滯

重修廣平府志

卷四十八

列傳三 宋至元

三

塞詔有司議行興定元年轉侍讀學士拜禮部尙書兼侍讀學士同修國史知集賢院事又明年知貢舉坐取進士盧亞重用韻削兩階因請致仕金自泰和大安以來科舉之文其弊益甚秉文爲省試得李獻能賦雖格律稍疏而詞藻頗麗擢爲第一舉人遂大喧噪愨於臺省以爲趙公大壞文格而秉文竟以是得罪五年復爲禮部尙書每進見從容爲上言人主當儉勤慎兵刑所以祈天永命者上嘉納焉哀宗卽位再乞致仕不許改翰林學士兼益政院說書官以上嗣德在初當日親經史以自裨益進無逸直解貞觀政要申鑒各一通正大



九年正月汴京戒嚴上命秉文為赦文以布宣悔悟哀痛之意秉文指事陳義辭情俱盡及兵退大臣欲稱賀

秉文曰春秋新宮火三日哭今園陵如此酌之以禮當慰不當賀遂已時年已老日以時事為憂三月草開興

案哀宗紀注云是年本正九年正月改元開興四月改元天興秉文草詔以三月非開興可知原文似誤

改元詔洛陽人拜詔畢舉城痛哭其感人如此是年五月壬辰卒年七十四積官至資善大夫秉文自幼至老

未嘗一日廢書朝使至自河湟者多言夏人問秉文及

王庭筠起居狀其為四方所重如此金史列傳 案歸

與書皆法于端後更學太白東坡字兼古今諸家學及

晚年書大進詩專法唐人魁然一時文士領袖壽考康

重修廣平府志 卷四十八 列傳三 宋至元 五

宿爵位士大夫罕及焉性疏曠無機鑿治民鎮靜不生

事在朝循循無異言家居未嘗有聲色之娛又云閑

以文字名一世於吏事非所長與定初九虎高琪為相

攝南京轉運司未幾果坐誤糧草事當杖既奏責宗曰

學士豈當筆耶高琪曰不然無以戒後遂杖四十公大

憤其後高琪誅詔適當公筆首曰君臣分職無將之罪

莫大夫婦義重不睦之刑何逃會是一身兼此二惡人

謂趙公之仇雪矣又云正德高朝廷以夏國為北兵所

衰將立新主以趙公年德俱高且中朝名士遂遣使

冊之既行館閣諸公以為趙公此行必厚獲蓋趙素清

貧也至界上朝議罷其事飛驛卒遣回卒既至趙所

先投以省符次白有禮部實封啟之乃楊公詩一蓬也

其詩云中朝人物翰林才金節煌煌使夏臺馬上蓬人

唾珠玉筆頭到處灑瓊瑰三封書貨揚州命半夜碑轟

薦福雷自古書生多薄命滿頭風雪卻迴來趙公撫掌

大笑元好問趙閑閑真箇避於蔡無可道竹溪之

於丹青雖無老成人倘有典型鳳衰無周龍穆破魂吟

萬馬之所馳不足以比公之駿萬所擬不足以比公之

絕致千載一人猶以巨暮萬里一士且謂比肩念公生

平使我涕漣顏如渥丹雙瞳炯焉彼粹而溫既與不

可傳者死矣觀乎此則又可以髣髴其足音之蹇然

王礪字逸賓臨洛人博學能文不就科舉家無甌石儲

未嘗介意明昌中以馬惠迪薦為鹿邑主簿未幾乞歸

其詩為明昌詞人雅制中七人之一綴輔 通志

王彖字子文洺州人承安中進士資剛決不可犯為尙

書掾知管差除與郎官相可否即棄官去往來登封廬

氏山中翦髮為頭陀改名知非字無咎自號照了居士

重修廣平府志 卷四十八 列傳三 宋至元 五

居二十年布衣蔬食自若也為文工於四六詩亦有功

既學佛作決定歌禪家以為證道新豐之後無有及者

當世號王隱居名甚高十餘年忽歸其家與妻子如舊

妻死再娶正大壬辰參知政事宗室思烈行臺洛陽以

知非有重名力致之使參議臺事城陷不知所終子升

卿有賦聲早卒中州集參 歸潛志

劉政洛州人性篤孝母老喪明每以舌舐母目逾旬母

能視物母疾晝夜侍側衣不解帶剖股肉啖之者再三

母死負土起墳鄉隣欲佐其勞政謝之葬之日飛鳥哀

鳴翔集耶木間廬於墓側者三年防禦使以聞除太子